



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 422  
fax. +387 33 726 414  
e – mail: [info@voda.ba](mailto:info@voda.ba)

Broj: **UP-1/21-3-40-094-4/22**

Datum: **06.04.2022. godine**

„Agencija za vodno područje rijeke Save“ Sarajevo rješavajući po zahtjevu Javnog preduzeća za komunalno gospodarstvo „Komunalac“ d.o.o. Odžak, za donošenje rješenja o vodnoj dozvoli za ispuštanje tehnoloških otpadnih voda iz postrojenja za tretman vode za piće „Odžak“ u Odžaku u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području općine Odžak, na osnovu člana 139. stav (1) tačka 3. Zakona o vodama („Službene novine Federacije BiH“, broj 70/06), i člana 200 stav (1) Zakona o upravnom postupku („Službene novine Federacije BiH“, broj 2/98 i 49/99), donosi

**R J E Š E N J E**  
**o vodnoj dozvoli**

1. Daje se vodna dozvola Javnom preduzeću za komunalno gospodarstvo „Komunalac“ d.o.o. Odžak za ispuštanje tehnoloških otpadnih voda iz postrojenja za tretman vode za piće „Odžak“ u Odžaku. Predmetno postrojenje je izgrađeno je u I zoni sanitarne zaštite izvorišta „Odžak“, na zemljištu označenom kao k.č. broj: 325/2 K.O. Odžak, a namijenjeno je za pripremu vode za vodosnabdijevanje stanovništva općine Odžak.
2. Ova vodna dozvola se odnosi isključivo za ispuštanje tehnoloških otpadnih voda sa lokacije objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za ispuštanje sanitarno-fekalnih otpadnih voda, a za čije izdavanje je nadležno Ministarstvo poljoprivrede, vodoprivrede i šumarstva Posavskog kantona, u skladu sa članom 139. stav 2. tačka 2. Zakona o vodama.
3. Vodna dozvola se izdaje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
  - 3.1. Da korisnik predmetnih objekata iste održava u funkcionalnom stanju u skladu sa njegovom prirodom i namjenom, te u skladu sa uslovima iz ove vodne dozvole.
  - 3.2. Da korisnik predmetnog objekta mjerni uređaj (mjerač protoka) za mjerenje količina isporučene količine vode stalno održava u ispravnom stanju, odnosno obavezno vršiti redovna baždarenja mjerača protoka u skladu sa propisima o mjernim uređajima.
  - 3.3. Da se vrši stalna dezinfekcija vode kloriranjem kao i kontrola rezidualnog klora u gradskoj-distributivnoj mreži, a u skladu sa Pravilnikom o zdravstvenoj ispravnosti vode za piće („Službeni glasnik BiH“, 40/10, 43/10, 30/12 i 62/17).
  - 3.4. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izljevanja.
  - 3.5. Da korisnik predmetnih objekata osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće.
  - 3.6. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48 stav 3. Zakona o vodama.
  - 3.7. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane važećim Pravilnikom o zdravstvenoj ispravnosti vode za piće, vodovodni sistem isključi iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.
  - 3.8. Da se Pravilnik o sadržaju općeg akta o održavanju, korištenju i osmatranju vodnog objekta doradi u skladu sa zahtjevima Pravilnika o minimumu sadržaja općeg akta o održavanju, korištenju, promatranju vodnih objekata („Sl. novine Federacije BiH“ broj: 97/19.)

- 3.9. Da korisnik predmetnih objekta vrši mjerenje količina zahvaćenih voda i o tome vodi evidenciju na propisanim obrascima, da podatke o tim mjerenjima unosi u propisane mjesečne izvještaje i iste redovno dostavlja ovoj Agenciji na način, po postupku i u rokovima određenim Pravilnikom o načinu obračunavanja, postupku i rokovima za obračunavanje i plaćanje i kontrolu izmirenja obaveza po osnovu opće vodne naknade i posebnih vodnih naknada ("Službene novine Federacije BiH" br. 46/07, 92/07, 46/09, 79/11 i 88/12) i Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode ("Sl. novine FBiH" br. 83/08).
- 3.10. Da se uredno vodi dnevnik rada u koji će se unositi podaci o postupku hlorinacije i potrošnje svih hemikalija.
- 3.11. Da se obezbijedi da tehnološke otpadne vode (od pranja filterskih polja i dr.) sa postrojenja za tretman vode za piće „Odžak“ prečiste odgovarajućim sistemom prečišćavanja tako da se obezbijedi da kvalitet efluenta bude u granicama propisanih vrijednosti definisanih u prilogu 1 tabeli 1.1. Uredbe o uslovima ispuštanja otpadnih voda u okoliš i sisteme javne kanalizacije ("Službene novine Federacije BiH", broj 26/20, 96/20).
- 3.12. Da se zahvaćene količine vode sa vodocrpilišta u Odžaku prečišćavaju na postrojenju za tretman vode za piće „Odžak“ primjenom odabrane tehnologije koja će garantovati kvalitet vode za piće na izlazu iz postrojenja, propisanu važećim Pravilnikom o zdravstvenoj ispravnosti vode za piće.
- 3.13. Da se redovno vrši monitoring tehnoloških voda koje se ispuštaju sa postrojenja za tretman vode za piće "Odžak" u potok-kanal Srnavu, shodno prilogu 1 tabela 2.2. Uredbe o uslovima ispuštanja otpadnih voda u okoliš i sisteme javne kanalizacije ("Službene novine Federacije BiH" broj 26/20, 96/20), te pojedinačne i zbirne godišnje izvještaje dostavi Agenciji u skladu sa članom 23 iste Uredbe.
- 3.14. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH", broj 14/10, 14/13 i 26/14).
- 3.15. Da se snabdijevanje pitkom – sanitarnom i protivpožarnom vodom objekata na lokaciji postrojenja za pripremu pitke vode "Odžak" i dalje vrši iz gradskog vodovodnog sistema preko mjerača protoka.
- 3.16. Da korisnik predmetnog objekta redovno prati kvalitet i količinu sirove vode koja dolazi na postrojenje.
- 3.17. Da se nastali čvrsti, opasni i neopasni otpad redovno odstranjuje prema definisanim radnim uputstvima i sistematskim uputama o privremenom skladištenju i krajnjem zbrinjavanju od strane nadležne organizacije, a prema sačinjenom ugovoru sa istim.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH", broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH", broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
8. U periodu važenja ove dozvole, korisnik je dužan provoditi sve mjere i aktivnosti propisane istom.
9. U ovoj upravnoj stvari plaćene su sve upravne pristojbe.
10. Prije isteka važnosti ove dozvole, Investitor je dužan da zatraži njeno produženje ili podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## Obrazloženje

Javno preduzeće za komunalno gospodarstvo „Komunalac“ d.o.o. Odžak podnio je ovoj Agenciji zahtjev za izdavanje vodne dozvole za ispuštanje tehnoloških otpadnih voda iz postrojenja za tretman vode za piće „Odžak“, općina Odžak.

Uz zahtjev dostavljena je sljedeća dokumentacija:

- Aktuelni izvod iz sudskog registra izdat od strane Općinskog suda u Orašju – ovjerena kopija,
- Rješenje o izmjenama podataka, broj: 025-0-Reg-18-000 065 od 04.07.2018. godine izdato od strane Općinskog suda u Orašju – ovjerena kopija,
- Uvjerenje o poreznoj registraciji od 24.07.2017. godine izdato od strane Kantonalnog poreznog ureda Orašje - ovjerena kopija,
- Uvjerenje o registraciji u Jedinstveni registar obveznika indirektnih poreza, broj:04/1-UPP/1-25632/07 od 07.09.2007. godine izdato od strane Uprave za indirektno-neizravno oporezivanje Banja Luka - ovjerena kopija,
- Rješenje o odobrenju za upotrebu, broj: 05-23-65/03 od 15.12.2003. godine izdato od strane Ureda za katastar, prostorno uređenje i imovinsko pravne poslove općine Odžak – kopija,
- Rješenje o vodnoj dozvoli, broj:UP-I/25-3-40-078-4/18 od 27.02.2018. godine izdato od strane Agencije za vodno područje rijeke Save, Sarajevo – kopija,
- Pravilnik o sadržaju općeg akta o održavanju, korištenju i osmatranju vodnog objekta urađen od strane JPKG „Komunalac“ d.o.o. Odžak od 31.12.2008. godine,
- Certifikat, br.:05-1-49-7-ČDŽ-123-3/19 od 08.11.2019. godine izdat od strane Instituta za mjeriteljstvo Bosne i Hercegovine – kopija,
- Izvještaji o monitoringu kvaliteta i kvantiteta otpadnih voda, broj: Q 3/4 septembar 2020. godine, broj: Q 2/4 juli 2020. godine, Q 4/4 novembar 2019. godine urađeni od strane TQM d.o.o. Lukavac,
- Zbirni izvještaj o monitoringu kvaliteta i kvantiteta otpadnih voda za period januar-decembar 2019. godine urađen od strane TQM d.o.o. Lukavac,
- Zbirni izvještaj o monitoringu kvaliteta i kvantiteta otpadnih voda za 2021. godinu urađen od strane TQM d.o.o. Lukavac, novembar 2021. godine,
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, br. 31/15, 55/19, 41/20), izvršen je obilazak postrojenja za tretman pitkih voda na vodocrpilištu „Odžak“ u Odžaku i tom prilikom je sačinjen zapisnik o uviđaju broj: UP-1/21-3-40-094-2/22 od 29.03.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Postrojenje za pripremu pitke vode „Odžak“ izgrađeno je za potrebe snabdijevanja pitkom vodom stanovništva Općine Odžak. Izgrađeno je u I zoni sanitarne zaštite izvorišta „Odžak“, na parceli označenoj kao k.č. broj: 325/2 K.O. Odžak i locirano je neposredno uz kanal Srna.
- Eksploatacija izvorišta „Odžak“ vrši se putem bunara B-1a, B-2a, B-3 i B-4. Količina crpljenja je ograničena kapacitetom postrojenja za tretman pitkih voda koji iznosi do 55 l/s. Prosječna količina vode koja dolazi na postrojenje sa vodocrpilišta iznosi 25-30 l/s.
- Ugrađen je mjerac protoka na dijelu sa kojeg se voda (filtrirana, prečišćena) distribuira tlačnim cjevovodom ka krajnjim potrošačima (Certifikat, br.:05-1-49-7-ČDŽ-123-3/19 od 08.11.2019. godine izdat od strane Instituta za mjeriteljstvo Bosne i Hercegovine).
- Kvalitet sirovih podzemnih-bunarskih voda ne zadovoljava propisane uvjete vode za piće kada se radi o sadržaju mangana, željeza. Tehnološki proces pripreme pitke vode sadrži postupke: aeracija sa retenzijom, predhlorinacija (oksidacija hlorom i vezivanje dvovalentnog željeza, organskih materija), filtracija pod pritiskom sa troslojnom ispunom, hlorinacija–dezinfekcija vode tekćim hlorom.
- Skladištenje hemikalija i dr. komponenti vrši se u posebnim prostorijama koje su pod nadzorom.
- Rad i pranje filtera su u potpunosti automatizovani, a voda od pranja filtera, u količini od max 50 m<sup>3</sup>/dan, odvodi se u lagunu za taloženje suspendovanih materija. U lagunu se odvodi i «prvi filtrat», vode od pranja i nužni preliv. Zapremina lagune je cca 100 m<sup>3</sup>. Pražnjenje vode iz lagune vrši se «sifonskim» prelivom u potok-kanal Srnavu.
- Oborinske vode se prikupljaju sa krovnih površina postrojenja i uskih betonskih staza oko objekta. Odvođenje ovih voda vrši se u kanal Srna.

- Uvidom u Izvještaje o monitoringu kvaliteta i kvantiteta otpadnih voda, urađenih od strane TQM d.o.o. Lukavac možemo konstatovati da nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u prirodne recipijente i sisteme javne kanalizacije.
- JPKG „Komunalac“ d.o.o. Odžak će u narednom periodu izvršiti doradu Pravilnika o sadržaju općeg akta o održavanju, korištenju i osmatranju vodnog objekta urađen od strane JP „Komunalac“ d.o.o. Odžak od 31.12.2008. godine u skladu sa zahtjevima Pravilnika o minimumu sadržaja općeg akta o održavanju, korištenju, promatranju vodnih objekata („Sl. novine Federacije BiH“ broj: 97/19.)
- U prethodnom periodu, od izdavanja rješenja o vodnoj dozvoli broj: UP-I/25-3-40-078-4/18 od 27.02.2018. godine pravno lice nije vršilo dogradnju i/ili izmjenu postrojenja za tretman vode za piće „Odžak“ u Odžaku i pratećim objektima kojim upravlja JPKG „Komunalac“ d.o.o. Odžak.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva Javno preduzeće za komunalno gospodarstvo „Komunalac“ d.o.o. Odžak ispunio minimum uslova za ispuštanje tehnoloških otpadnih voda iz postrojenja za tretman vode za piće „Odžak“ u Odžak, te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj:UP-1/21-3-40-094-3/22 od 31.03.202. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

#### **Uputa o pravnom lijeku**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

mr. sci. Selma Merdan, dipl.inž.geol.

**Po ovlaštenju**  
**Rukovodilac sektora za izdavanje**  
**vodnih akata**

*Haris Ališehović*

**Haris Ališehović, dipl.inž.građ.**

Dostaviti:

- „Komunalac“ d.o.o. Odžak  
Radislava Milanovića 13, 76290 Odžak
- AVP-ISV-Vodna knjiga,
- Sektor 50,
- ⊖ Sektor 40, arhiva,
- Oglasna ploča